

療
姑
羹
記

下

療姑羹記卷下

粲花主人編次 鶴鷗子評

第十七齣 引蘇

南呂

過曲

香柳娘

小旦老旦上

雜扮船家搖艤上老旦惡

姻緣總差惡姻緣總差不如離異向刀砧別作逃生計
小旦但飄蓬聽之但飄蓬聽之家室不相宜遐荒任安置合喜哮聲暫離喜哮聲暫離湖水漣漪好把

耳根清洗

雜媽媽到那處耍子老旦往孤山褚家莊上去雜

出得湖來，恰好順風。姑娘坐定，待我扯篷。
小旦 你
看山不藏雲，林無全葉。又早一派秋景也。

前腔去前遊幾時，去前遊幾時。風光旋異，孤腸萬轉。
人千里。可惜楊夫人不在此。
老旦 笑介 青娘可也記
得楊老爺前日麼。
小旦 付東流逝波，付東流逝波。
陌上使君癡，空勞止車騎。
合 恨匆匆別離，恨匆匆別離。
周道逶遲，想他宦情應美。

小旦 蘇小墓在那邊，待我弔他一弔。
老旦 船家長
泊了船，姑娘要到蘇小小墳上去。
雜 上去還有許

多路又沒轍子怕姑娘走不動改日再遊罷

前腔老旦望纍纍塚訛望纍纍塚訛草荒無際便上去
呵。怕唐碑斷沒難尋矣旦我青青眼中我青青眼

中埋玉豈終迷于雲識其氣媽媽可分付船家沽一

壺酒來待我望墳拜奠雜酒倒有在船頭老旦滴酒

介小旦啓蘇娘得知啓蘇娘得知我小青呵薄設村
醴向佳城申禮

西陵芳草騎鱗鱗內信傳來喚踏青杯酒自澆蘇

小墓可知妾是意中人

前腔想風流昔年想風流昔年翠叢香隊到如今月
明空有歸來珮淚介枉斯文在茲枉斯文在茲風雅
坐陵夷惟將博憔悴老旦蘇小小不過妓女班頭爲
何向他慟哭小旦哭我小青絕世才姿竟爾淪沒甚
班姬謝姬甚班姬謝姬倒不如桃葉低微還賺得姓
名留世

雜作泊船介到孤山了請上船老旦行李隨後送
到莊上來雜曉得正是歸鴉啼處客投宿野鵝飛
邊人上船下老旦青娘慢慢行走

前腔這空林葉乾這空林葉乾踏來無底笑荆榛故
把裙拖繫小旦作驚介虎來了老旦扶介青娘不要
害怕小兒家易驚小兒家易驚石立虎空疑犬聲豹
無異合覲前村隔籬覲前村隔籬黃菊依依另一種
野人風味

前腔小旦怪頽牆斷垣怪頽牆斷垣蒼苔空閉蠭蛸
滿目添秋意老旦就是莊上了青娘請進學桃源避
秦學桃源避秦君子或居夷安其陋而已小旦這也
罷了譬如作空門老尼作空門老尼懺悔修持也省

得是非蜂起、

一片秋聲挾斷雲、

醪香淚苦弔荒墳、

山中所有難持贈、

耳畔啼猿曉夜聞、

第十八齣

追逸

雙調

玉枝過六么

玉交枝淨上花枝無主嘆分飛鸞

過曲

六么令

想他山頭日日望兒夫遭冤繫被囚

拘薄情久把多情負薄情久把多情負

我那小青的垂垂當初討你來時只指望調琴弄瑟育男生女誰知雖有虛名全無實惠看得吃不

得人都說是眼前花、朝思暮也。思我只把做心頭肉，自從前日露了馬腳，向花園避吃官司。因此觸冒虎威，發山莊，遭流配。音書杳隔，有如萬里關山，也只爲添令森嚴，跳不出一重門限。今日尋思妙計，只說朋友請酒，悄地叫隻湖船，往孤山探望一遭，有何不可。一心忙似箭，兩脚走如梭。下小丑莫信直中直，湏防仁不仁。方纔大官人在大娘跟前告假，說在城內朋友家赴席。大娘有些疑心，着我體訪，果然竟往湖上去了。不免緊緊追上。

前腔灰心柙虎。陡生心。耽耽負隅。包天色。膽大無如。
那虛假。約私娛。只愁法杖難饒恕。只愁法杖難饒恕。

趕下

前腔淨走。上週詳。廻顧假鷄聲。秦關客。逋呼船介。遙
將舟子隔林呼。乘風便過西湖。往回半日孤山路。往
回半日孤山路。

一面呼船小丑。一面追上介大官人。大官人。

前腔且慢把關津。私渡看追兵。紛紛在途。淨慌介雜

扮船家上請淨下船介小丑。大官人。叫船到那里去。

淨朋友家吃酒。小丑大官人說在城中怎的又到湖上。
淨改席在湖心亭。小丑笑介只怕改在孤山去了。
想還是山中折柬偶相呼。淨並無此事。雜相公快些

下船。孤山來往有許多路。
淨怒介誰與你說甚麼孤山雜方纔相公說要往孤山招呼過來的。
淨誰來招呼你還不走。雜相公既叫了船就是不用半日船錢
要當的。
作索錢介淨喝打雜下介千萬莫說在此小丑承差遣敢支吾押回案下憑區處押回案下憑區處。

淨央介沒奈何替我方便回復小丑大官人可曉得除非不爲那有不知淨正是色不迷人入之自迷

第十九齣 痘雪

小旦病容上本詩雪意閣雲雲不流舊雲正壓新
雲頭米顛筆落窗外松風秀氣當我樓垂簾正
愁好景少捲簾又怕風繚繞簾捲簾垂底事難不
情不緒誰能曉爐烟漸瘦剪聲小又是孤鴻唳悄
悄我小青自從秋日來到孤山本冀借遠竄以逃

生習清修而去病何期于愁膠葛難証淨緣兩豎
縱橫重嗟妬酸入冬之後怯瘦轉加連日雨雪霏
霏人踪杳絕好淒楚人也

商調

過曲

二郎神天一抹遍千山雲迷雪鎖可怪床頭冰

顆顆原來是朝來淚點涓涓自瀉衾窩饑絕厨烟挨

冷餓只愁心空燃似火蒙頭臥凍林逋連朝懶廢吟

哦

集賢賓想天生賤骨應折磨遭惡妬相魔離却嵩陵
原不可死淋侵翻到沉疴業緣深墮更沒計消除逃

卷十一
躲知命左筭前此恨人都錯。

老旦持藥上藥醫不死病佛度有緣人青娘今日身體可畧爽些小旦更加沉重老旦怎麼好有藥在此小旦山僻去處那討藥劑來老旦正要與青娘說知有個韓泰斗秀才是楊老爺的好友其人極有俠氣夫人與老爺商議專以青娘爲託他時常在此探問便日用供給有缺少處都虧他周旋且又曉得行醫說青娘病症皆從感傷憂鬱而起不好進來看脈付得數劑煎藥老身自家煎好的

小旦 媽媽，生受你了。

黃鶯兒老旦 俠友似荆軻，十年來一劍磨。待把雲兜

雨障都衝破，青娘請用藥。他奇追鵲陀，神標緩和逃

名賣藥名偏播，作勸飲介。小旦微飲卽止介。老旦笑

介。青娘這等怕藥笑嬌娥，貪甜護苦可還是小兒麼。

前腔 小旦 痘已入心窩，自捫來。魂縛多屈澆枉費杯

中。老旦 還畧用些。小旦 奴家之病，豈藥石所能療

乎？便飽服參苓，強挨數日，總也無益。燈叢竄蛾，秋池
敗荷，遭逢刦數難偷過。媽媽，他既能醫，也不消得醫。
老旦

我問專科鶴鵠可療此語信還訛

老旦青娘不用藥也罷休得如此悲傷小旦淚介簇御林老旦爲甚的濛騰淚不轉波背介也怪不得大娘說你似這倚嬌癡情性頗枉了我枯枝燒盡寒爐火值不的爲半啓櫻桃顆作呌小旦不應介這一回又昏沉去了待我謊他一謊青娘窓外梅花開了小旦醒介梅花在那里老旦推窓介你看滿枝柯春光漏泄黍谷早回和

小旦笑介樹上都是冰花那有梅花也

前腔香爲崇韻作魔你不見老梅株壓折多這離披
冷淡渾如我怎禁的寒威大老旦青娘請自耐煩小
旦沒騰那圍鸞檻鳳不死待如何

借問此間可有畫工老旦要他何用小旦嘗讀牡

丹亭記杜麗娘抱病自知不起手畫春容藏之墓
側後遇柳生拾得叫醒癡童遂成再世姻緣傳作
千秋話柄我小青豈是能詩杜女堪留旣死之魂
亦無入夢柳生許證前生之畫但念生非蠢爾何
至與犬豕爲緣今日死遂泯然不幾與草木同腐

夕淚鏡汎朝淚鏡潮見影輒復欲哭施朱太赤施粉太白捉筆不能自描若得名師寫照流逸韻以如生何減詞伯傳奇譜嬌歌於不朽老旦不必別尋韓相公畫得絕妙小旦這却奏巧就煩媽媽請來老旦他不隔三兩日又來問病的看有便人先

寄信與他

尾聲小旦眼前和你無三個從今後再添個悽惶惶的我老旦青娘春容恓惶不得湏准备着笑口歡容發付他